

17 սեպտեմբերի 2009 թվականի N 1052 -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ  
ՆՈՅՆՄԲԵՐԻ 2-Ի N 1911-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

---

Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2006 թվականի նոյեմբերի 2-ի «Հայաստանի Հանրապետության մարզերի առողջապահության համակարգերի օպտիմալացման ծրագրերը հաստատելու մասին» N 1911-Ն որոշման մեջ կատարել հետևյալ փոփոխությունները և լրացումները`

1) որոշման N 6 հավելվածի Հայաստանի Հանրապետության Տավուշի մարզի առողջապահության համակարգի օպտիմալացման ծրագրի «Բերդի տարածաշրջան» բաժնի 6-րդ կետից հանել «անհետաձգելի» բառը.

2) որոշման N 7 հավելվածի Հայաստանի Հանրապետության Կոտայքի մարզի առողջապահության համակարգի օպտիմալացման ծրագրի «Հրազդանի տարածաշրջան» բաժնի`

ա. **2.1**-ին կետի երրորդ նախադասությունը «Հրագրանի ծննդատուն» բառերից առաջ լրացնել «Մինչև **2010** թվականի հուլիս ամիսը» բառերով,

բ. **6**-րդ կետի երկրորդ նախադասությունը «Ազատել» բառից առաջ լրացնել «**2010** թվականին «Հրագրանի ծննդատուն» փակ բաժնետիրական ընկերությունը վերակազմակերպելուց հետո» բառերով.

**3)** որոշման **N 8** հավելվածի Հայաստանի Հանրապետության Սյունիքի մարզի առողջապահության համակարգի օպտիմալացման ծրագրի «Մեղրու տարածաշրջան» բաժնում`

ա. **2**-րդ կետն ուժը կորցրած ճանաչել,

բ. **3**-րդ կետը շարադրել հետևյալ խմբագրությամբ.

«**3.** «Մեղրու բժշկական կենտրոն» փակ բաժնետիրական ընկերության բոլոր ծառայությունները կենտրոնացնել պոլիկլինիկայի մասնաշենքում` ազատելով և Հայաստանի Հանրապետության կառավարությանն առընթեր պետական գույքի կառավարման վարչությանը հանձնելով «Մեղրու բժշկական կենտրոն» փակ բաժնետիրական ընկերության հիվանդանոցային մասնաշենքերը` շուրջ **3000** քառ. մետր մակերեսով: Բաժնետոմսերի հետգնման և մարման միջոցով նվազեցնել «Մեղրու բժշկական կենտրոն» փակ բաժնետիրական ընկերության կանոնադրական կապիտալը»,

գ. **4**-րդ կետում «հիվանդանոցի հիմնական» բառերը փոխարինել «պոլիկլինիկական» բառով,

դ. **7**-րդ կետի երկրորդ պարբերությունն ուժը կորցրած ճանաչել,

ե. բաժինը **8**-րդ կետից հետո լրացնել հետևյալ բովանդակությամբ նոր` **8.1**-ին կետով.

«**8.1.** «Մեղրու բժշկական կենտրոն» փակ բաժնետիրական ընկերությունը և «Ազարակի հիվանդանոց» փակ բաժնետիրական ընկերությունը միաձուլման ձևով վերակազմակերպել` ստեղծելով «Մեղրու տարածաշրջանային բժշկական կենտրոն» փակ բաժնետիրական

ընկերություն: «Մեղրու տարածաշրջանային բժշկական կենտրոն» փակ բաժնետիրական ընկերության ծառայությունները տեղակայել նախկին «Մեղրու բժշկական կենտրոն» փակ բաժնետիրական ընկերության պոլիկլինիկական մասնաշենքում և նախկին «Ագարակի հիվանդանոց» փակ բաժնետիրական ընկերության տարածքում: «Մեղրու տարածաշրջանային բժշկական կենտրոն» փակ բաժնետիրական ընկերությունը կունենա **45** մահճակալ (**20` Մեղրի, 25` Ագարակ**)` Մեղրիում թողնելով թերապևտիկ և մանկական ծառայությունները, իսկ Ագարակում կենտրոնացնելով վիրաբուժական, մանկաբարձագինեկոլոգիական և ինֆեկցիոն ծառայությունները:

«Մեղրու տարածաշրջանային բժշկական կենտրոն» ՓԲԸ	Բաժանմունքները	Մահճակալների ներկա թիվը	Մահճակալների ներկա ծանրաբեռնվածությունը (տոկոս)	Մահճակալների առաջարկվող թիվը
Մեղրիի հիվանդանոցային ծառայություններ	թերապևտիկ	5	34	10
	վիրաբուժական	3	13	0
	մանկական	6	24	10
	ինֆեկցիոն	3	19	0
	մանկաբարձագինեկոլոգիական	3	35	0
ընդամենը		20	26	20
Ագարակի հիվանդանոցային ծառայություններ	մանկաբարձագինեկոլոգիական	5	82	10
	թերապևտիկ	5	28	0
	վիրաբուժական	5	58	10
	մանկական	5	41	0
	ինֆեկցիոն	5	100	5
ընդամենը		25	62	25
Ընդամենը		45		45

«Մեղրու տարածաշրջանային բժշկական կենտրոն» փակ բաժնետիրական ընկերության բաժնետոմսերի կառավարման լիազորությունները վերապահել Հայաստանի Հանրապետության Սյունիքի մարզպետին»,

գ. 9-րդ կետի առաջին և երկրորդ պարբերությունները շարադրել հետևյալ խմբագրությամբ.

«Այսպիսով, նշված ծրագրի իրականացման արդյունքում մարզի առողջապահության համակարգում կգործեն՝

հինգ բժշկական կենտրոն (Կապան, Քաջարան, Գորիս, Սիսիան և Մեղրի),

անկախ առողջության առաջնային պահպանման կենտրոններ՝ գյուղական վայրերում՝ տասնմեկ (ինն ամբուլատորիա և երկու առողջության կենտրոն),

մարզային նյարդահոգեբուժական դիսպանսեր,

մարզային արյան փոխներարկման կայան:

Ծրագրի արդյունքում ընդհանուր մահճակալային ֆոնդը կկազմի **410** մահճակալ, և կազատվի շուրջ **16520** քառ. մետր մակերեսով տարածք».

**4)** որոշման **N 9** հավելվածի Հայաստանի Հանրապետության Շիրակի մարզի առողջապահության համակարգի օպտիմալացման ծրագրի «Մարալիկի տարածաշրջան» բաժնի՝

ա. 1-ին կետում «**10** մահճակալ հզորությամբ (մանկաբարձական՝ **5**, թերապևտիկ՝ **3** և մանկական՝ **2**)» բառերը փոխարինել «կազմված հիվանդանոցային մասից՝ **5** մանկաբարձական մահճակալ հզորությամբ, պոլիկլինիկական մասից՝ ցերեկային ստացիոնար բուժման **2** պալատով, և շտապ օգնության ծառայությունից» բառերով,

բ. «Ամասիայի տարածաշրջան» բաժնի չորրորդ պարբերությունը շարադրել հետևյալ խմբագրությամբ.

«Մարզում առկա **776** մահճակալի փոխարեն մահճակալների թիվը կկրճատվի **196**-ով և կկազմի **580** մահճակալ»:

**2.** Հայաստանի Հանրապետության Կոտայքի, Սյունիքի և Շիրակի մարզպետներին՝

**1)** մինչև **2010** թվականի հուլիսի **1**-ը ավարտել սույն որոշմամբ նախատեսված Հայաստանի Հանրապետության Կոտայքի, Սյունիքի և Շիրակի մարզերի առողջապահության համակարգերի օպտիմալացման ծրագրերից բխող՝ առողջապահական կազմակերպությունների վերակազմակերպման և օպտիմալացման աշխատանքների իրականացումը՝ Հայաստանի Հանրապետության քաղաքացիական օրենսգրքի և «Բաժնետիրական ընկե-

րությունների մասին» Հայաստանի Հանրապետության օրենքի պահանջներին համապատասխան.

2) մինչև 2010 թվականի հուլիսի 31-ը Հայաստանի Հանրապետության կառավարություն և Հայաստանի Հանրապետության առողջապահության նախարարություն ներկայացնել հաշվետվություն Հայաստանի Հանրապետության Կոտայքի, Սյունիքի և Շիրակի մարզերում սույն որոշմամբ նախատեսված առողջապահության համակարգերի օպտիմալացման ծրագրերի իրականացման գործընթացի մասին:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Տ. ՄԱՐԳՍՅԱՆ

2009 թ. սեպտեմբերի  
Երևան